




kat.komp

9036

Augustianie





N E X U S
GRATIÆ DIVINÆ,
^{C V M}
VOLUNTATE CREATA.

^{I N}
Sensu composito utriusq;

R E T I N E N S
infallibilitatem metaphysicam,
ex parte gratiæ supernaturalis,

^{E T}
libertatem indifferentiæ,
ex parte voluntatis creatæ;

^{aque}
ad ponendum, ac non ponendum
A C T U M S A L U T A R E M,

D I C A T U S

PERILLUSTRI, & REVERENDISSIMO DOMINO,

D. J O A N N I
H E R C U L A N O
M A T U S Z E W I C,

Sac: Th: Doct: Canonorum Regularium

Lateranensium per minorem Poloniam

& M. D. Lithuaniae

PRÆPOSITO GENERALI,

O B L A T U S


^{P E R}
R. P. FRANCISCUM BARANSKI,
Canonicum Regularem Lateranensem, Defendētem Conclusiones præscriptas,

^{A B}
Adm R. P. ANTONIO HARABURDA,
Can: Reg: Latt: PRIORE Conv: Gen: SSmi Corporis CHRISTI, & Actuali
PROFESSORE Theologiæ Scholasticæ, eoq; PRÆSIDENTE,
Defendenti ad resolvendas difficultates.

Anno ab existentia physica Cause meritoriae gratiarum divinarum

1711. Die 28. Junij.

IN STEMMA
PERILLVSTRIS REVERENDISSIMI
DOMINI.



Infima contemnit, sed quæquæ altissima poscit
Ad cælos CYGNUS Nomina ferre sciens.
Sublimis semper MATUSZEVICIA mens est
Obrinet hæc meritis, quæ petit alta suis.

PERILLVSTRIS
 REVERENDISSIME DOMINE,
 D. PRÆPOSITE
 GENERALIS,
 ac Mecænas Noster Colendissime.



*S*olis jubare nitidiorem Gratiarum Divinarum Nexum cum voluntate creata benevolè à nobis candidissimus Tuus suscipit Olor. Perillustris Reverendissime Domine. Nec recusat sacrarum gratiarum ferre pondera, ut earum ferventibus Ethesibus sublimius in altum feratur. Libens Methaphysicam infallibilitatem efficaciae gratiae, cum libertate indifferentia voluntatis creata conciliatam, ad actus salutare amplexatur; ut actum salutarium Remuneratori complaceat. Scis bene non alios posse placere Diis, præter Hylas, qui eximio sui candore Divorum ad se trahunt affectus; idcirco Gratiarum Divinarum exposcit nitorem, suscipit, illoq; nimium delectatur. Cedant hinc conglobata encomia, cedant exquisitæ Ministra Deorum Aquila laudes; multò majora candidissimo debentur CYGNO, qui etiam Deorum Minister est, nō tamen fulminis, sed gratiae, quia sapiētiae. Nescit namq; fulminare CYGNVS, quia intimus pacis amicus, & quamvis aliquando certamina suscipit, non tamen suscitatur, nisi, provocatus sic repugnat. Vider totus Laxeranus Orbis Te verè Cygneum esse, Perillustris Reverendissime Domine, cujus candidissima facta candido Nomini correspondent. Novisti optimè quod suavius in Divinis sonet auribus quidquid è religioso progreditur pectore, idè animosum mundo intonasti vale, & linquens quosvis seculi honores innocuum maxime adamasti candorem, ut necdum nativo CYGNEO contentus, candorem AVGVSTINI indueris. Hic Te cuncti pÿssimum intuebantur Tiberium, dum profano Helicone relicto, sacratioribus Te adjunxisti Musis, illud CYGNO subscriptum ingeminans, dulcius ut canam. Grandiores ferre non recusasti labores, imò in ijs ferendis verus exsiteras Iason, quos solo Sacra Religionis amore, per diffusum grandium difficultatum continuabas Oceanum, ut ijs bono communi, aureum valuisses obtinere vellus. Propter excelsas virtutes Tuas, dignitas PRÆPOSITVRÆ GENERALIS Te in Coadjutorem cum

futura successione in Prælaturam olim Perillustri & Reverendis-
 simo D. MICHAELI RVSIECKI S. Th: Doctori, Præposito
 Generali Canonice hujus invitabat, protunc tamen ad alium
 devoluta, non diu ipsius contenta obsequio, iterum ad Te rediit,
 ut à Te suum capisset ornamentum. Et quamvis ad suscipi-
 piendum honorem verus adfueras Pyrrhus, suscepisti tamen ma-
 gis cupiens prodesse, quàm præesse. Et hæc est unica felicitas
 nostra, quòd Te gratiosissimum Patrem nostrum intuemur, ve-
 neramur. Credimus hoc speciale de thesauris omnipotentie sue
 donum nobis præstitisse superos, postquam Te gratiam, quia IO-
 ANNEM, in celsa Paterna Sede collocarunt. Quid nobis ul-
 tra desiderare licet? quid Tantalea appetere siti? dùm talem
 veneramur PRÆLATVM, qui semper gratiosus est, nam &
 IOANNES & CYGNVS gratiam sonat. Nunc lata nobis in-
 ceperunt secula, quando sub gratioso regimine, quia Cyneo per-
 manemus. Non enim Te Dominante, quidpiam de funesta ma-
 lorum experimur Iliade, sed mera Halcyonia, qui ubiq; Argus es,
 ut prævideas imminencia nobis pericula, eaq; repellas. Intuemur
 etenim Te in pullos Tuos verè Cyneo, quia intimo ferri amore,
 quorum nescis injuriam pati, sed acerrimè eorum defendere inte-
 gritatem, dulce Tibi est, & decorum. Sed tamen si Angelico pol-
 lerem ingenio, siq; totus in linguas verterer, celsarum virtutum
 Tuarum, non essem sufficiens Panegyrista. In Te cernitur religio
 Nummæ, constantia Milciadis, modestia Dionis, munificentia Adri-
 ani, justitia Trajani, affabiltas Titi, magnitudo Constantini, pi-
 etas Gratiani, sapientia Theodosij, quorum ita unus omnia expref-
 sisti decora, ut meritò in Te compendium virtutum, censeatur per-
 manere. Et certè quis non diceret compendium ibi esse virtutum,
 ubi etiam ordinis supernaturalis natura gratia sanctificans, procul-
 dubio semper existit, cujus non aliæ proprietates eidem coexistunt,
 nisi omnes virtutes Theologica & Morales, ad quas recipiendas
 dum Gratie Divina actuales Intellectum ac voluntatem prævenire,
 subsequi, & adjuvare debeant, eas non purè sufficientes, sed semper
 efficaces, ad merita cumulanda supernaturalia, pro præmio æterna
 beatitudinis, post plurimas Annorum Myriades vitæ meritorie, per-
 ciendo, intimo filiali apprecor voto

Perillustri Reverendissimæ Dominationi
 Vestræ.

infimus Client

FRANCISCUS BARANSKI C. R. L.

CONCLUSIONES THEOLOGICÆ,

De Gratia Divina ejusq;
privatione prout demeritoria
ac meritis.

I.

Gratia Divina juxta Theologiam est Do-
num DEI creatum intrinsicum creaturæ
rationali entitative supernaturale confe-
ribile à DEO ex meritis Christi, in finem beati-
tudinis supernaturalis.

II.

Pro præsentis statu elevationis dantur hujus-
modi gratiæ actuales, & habituales, suntq;
simpliciter necessariæ saltem divisim ad quemli-
bet actum salutarem, etiam illum, qui sit initium
Fidei Divinæ, disponens ad justificationem inter-
nam.

III.

Actuales gratiæ influunt in actus salutes in
genere causæ moralis & formalis. Habitua-
les verò in genere causæ physicæ efficientis.

IV.

Datur qualitas non vitalis transiens entitative
supernaturalis intrinseca creaturæ, quæ in-
terdum etiam in præsentia habituum, eorundem

A

de-

debet supplere influxum physicum efficientem in actus salutes, sive in eos, v. g. qui essent præcepti sub mortali pro instanti determinato, sive in eos deliberatos & efficaces, qui essent in circumstantia gravis tentationis ad mortale vitij oppositi &c. &c.

V.

Sola gratia non est tota, & adæquata ratio agendi, sed hæc coalescit ex gratia divina entitativè supernaturali interna, & potentia vitali naturali.

VI.

Habitualis Gratia sanctificans est quidem natura in ordine supernaturali respectu omnium habitualium virtutum Theologicarum & Moralium, tanquam suarum proprietatum, & potentialium in quas tamen non influit physicè efficienter.

VII.

Gratia sanctificans, simul cum omnibus habitibus augetur intensivè non extensivè, non minuitur unquam, sed corrumpitur.

VIII.

Actuales gratiæ secundum se indifferentes postquam absolute fuerint collatæ creaturæ, etiam si sint unius ejusdemq; speciei, diversas tamen obtinent denominationes. Quædam enim illarum incipiunt denominari efficaces, quædam inefficaces, seu purè sufficientes.

IX.

Quibus gratijs secundum se, componibilibus
cum

cum actu, vel carentia actus omnibus invitanti-
bus ad actum salutarem voluntas creata ex pro-
pria sua determinatione in sensu composito, ea-
rundem secum præstat consensum conditiona-
tè futurum, istæ gratiæ post prævisum à DEO
per mediam scientiam dictum consensum inci-
piunt denominari efficaces. Quibus autem in-
vitantibus ad actum salutarem voluntas creata
ex propria sua determinatione præstat dissensum
istæ gratiæ post prævisum à DEO talem dissensum
incipiunt denominari infallibiliter inefficaces.

X.

Dissensus à voluntate creatâ præstari potest en-
titati gratiæ suadenti actum salutarem ponen-
dum etiam per puram omissionem conditionate fu-
turam in se ipsa cognoscibilem à DEO per scien-
tiam conditionatè futurorum liberorum pro ali-
quo certo instanti temporis.

XI.

IN ratione infallibiliter inferentis actum salu-
tarem, denominatio gratiæ efficaciæ & etiam
in ratione infallibiliter, non inferentis actum sa-
lutarem denominatio gratiæ inefficaciæ, nec de-
bet nec potest, utraq; hæc vel alterutra soli en-
titati gratiæ intrinsecè adæquatè convenire. Qua-
rum gratiarum denominativè sumptarum debet
esse metaphysica infallibilitas simul stans cum
perfectissima libertate voluntatis creatæ, talem
enim infallibilitatem requirit indispensabiliter
prædestinatio & reprobatio divina hominum,
quæ metaphysicè infrustrabilis & infallibilis est.

XII.

Liquet ex præ insertis gratiam efficacem denominativè sumptam nullatenus posse consistere, tam in sola entitate auxiliij physicè prædeterminantis, quàm etiam cum tali auxilio in quocunque alio.

XIII.

Neq; denominatio gratiæ efficacis præter entitatem gratiæ etiamsi indifferentem potest constitui decreto prædefinitivo actus se ipso immediatè infallibiliter inferente actum salutarem independentem à directione scientiæ mediæ sive tale decretum dicatur antecedens sive concomitans.

XIV.

IN ratione deinde mediij proximè apti sub quo **D**EUS videt infallibiliter ponendum actum salutarem gratia efficax denominativè sumpta dicit intrinsecè constitutivè præter entitatem suam indifferentem & præter consensum conditionate futurum à **D**E^O prævisum ex propria determinatione voluntatis creatæ existentis sub entitate gratiæ absolutè sibi collata, insuper dicit scientiam mediam.

XV.

IN ratione deniq; specialis beneficij Divini Gratiæ efficax dicit intrinsecè constitutivè præter enumerata constitutiva etiam decretum **D**Eⁱ metaphysicè in frustrabile collativum gratiæ denominativè efficacis formatum ex directione scientiæ mediæ.

XVI.

XVI.

PUrè sufficiens gratia seu inefficax denominative talis à DEO datur, non propter solum posse operari, sed etiam & propter ipsum operari; eo sensu, quòd in tali denominatione entitas gratiæ secundum se ita proximè sit sufficiens principium ad operari, ut non sit aliud necessarium auxilium supernaturale ad actum salutarem juxta illud Isaiaë 5^{to} quid est, quòd ultra debui facere Vineæ meæ, & non feci? clare itaq; patet non ex defectu alicujus principij à DEO volente omnes homines salvos fieri, sed præcisè ex solo abusu propriæ libertatis in sensu composito entitatis gratiæ reprobatio impiorum adulterorum hominum provenit. imò & parvulorum perditio, non ex DEO, sed ex causis secundis applicationem gratiæ non permittentibus, (quas DEUS non tenetur impedire, & miraculosè avertere) contingit.

XVII.

Impius homo non aliâ formâ efficitur peccator, & formalis inimicus DEI est, nisi privatione gratiæ sanctificantis, prout demeritoriè induta, quæ ut talis dicit intrinsecè constitutivè. imò actionem peccaminosam. 2^{do} subsequenter immediatè privationem secundum se gratiæ sanctificantis. 3^{tio} negationem interruptionis factæ per infusionem gratiæ sanctificantis, quæ est justificatio interna & renovatio hominis.

XVIII.

Supposita elevatione hominis ad statum supernaturalem per gratiam habitualement sanctificantem

rem, aliq; dona habitualia & supposito debito habendi dictam gratiam pro illo tempore, dum homo gratiam sanctificantem voluntariè amittit propter actionem peccaminosam ex propria sua determinatione in sensu composito entitatis gratiæ factam. Talem hominem DEUS in statu peccati & inimicitiae secum existentem, etiam per absolutam suam potentiam solo libitu sine infusione gratiæ sanctificantis vel æquivalentis doni ab esse peccatoris & inimici sui ad non esse peccatoris & non esse inimici transferre non potest.

XIX.

GRatia sanctificans habitualis metaphysicè opponitur peccato mortali, tam actuali quam habituali, idcirco nec divinitus est componibilis cum quocunq;

XX.

ETiamsi in nulla ratione peccatum mortale sit intrinsece infinitum, pro illo tamen satisfactio finita intrinsece, ut sit condigna implicat, quæ condigna cum intrinsecè infinita debeat esse viribus puræ creaturæ creatæ & creabilis fieri nequit.

XXI.

Merita supernaturalia puræ creaturæ in statu præsentis elevationis aliqua de condigno aliqua de congruo dantur, quæ entitativè intrinsecè debent esse supernaturalia ad proportionem cum præmio in ordine supernaturali.

XXII.

Sub meritum de congruo hominis viatoris non potest cadere prima gratia actualis conferenda ipsi merenti.

XXIII.

6
XXIII.

SUB meritum de condigno hominis iusti viatoris non potest cadere prima gratia habitualis, & prima gloria, neq; potest cadere perseverantia finalis, possunt tamen hæc cadere sub meritum de congruo, licet non infallibiliter.

XXIV.

SUB meritum de condigno hominis iusti viatoris potest cadere augmentum gratiæ habitualis, & augmentum gloriæ.

A. M. D. G. B. V. M.
Honorem.



XXIII.

Quod nunc de consilio hominis iustitiam
non potest cadere prima gratia habenda
de prima gloria, non potest cadere per se
tamen, potest tamen hoc cadere sub morte
non de consilio, sed non intelligitur.

XXIV.

Quod nunc de consilio hominis iustitiam
non potest cadere augmentum gratie habundantia
de augmentum gloria.

A. M. D. G. B. V. M.

Honorum.

Biblioteka Jagiellońska



stdr0022429

